

宋

词

精

萃

王润和书

沈阳出版社

中國古典詩詞欣賞

323  
RH

长相思

林 通

吴山青，越山  
青，两岸青山相送

迎。谁知离别情？

君泪盈，妾泪盈，  
罗带同心结未成。

江头潮已平。

酒泉子

潘 润

长忆观潮，满

郭人争江上望。来  
疑沧海尽成空，万  
面鼓声中。弄潮  
儿向涛头立，手把  
红旗旗不湿。别来  
几向梦中看，梦觉  
尚心寒。

渔家傲

范仲淹

塞下秋来风景  
异，衡阳雁去无

意。四面边声连角  
起。千嶂里，长烟  
落日孤城闭。浊  
酒一杯家万里，燕  
然未勒归无计。羌  
管悠悠霜满地。人  
不寐，将军白发征  
夫泪。

泪

浣溪沙

晏殊

一曲新词酒一

杯，去年天气旧亭  
台，夕阳西下几时  
回？无可奈何花  
落去，似曾相识燕  
归来，小园香径独  
徘徊。

破阵子

晏殊  
燕子来时新社，  
梨花落后清明。池  
上碧苔三四点，叶

底黄鹂一两声，日  
长飞絮轻。巧笑  
东邻女伴，采桑径  
里逢迎。疑怪昨宵  
春梦好，原是今朝  
斗草赢，笑从双脸  
生。

玉楼春

张先

龙头舴艋吴儿  
竞，笋柱秋千游女

并。芳洲拾翠暮忘  
归，秀野踏青来不  
定。行云去后遙  
山暝，已放笙歌池  
院静。中庭月色正  
清明，元數楊花過  
無影。

離亭燕

張昇

一帶江山如畫，  
風物向秋清酒。水

浸碧天何处断，霁色冷光相射。蓼屿  
荻花洲，掩映竹篱茅舍。云际客帆  
高挂，烟外酒旗低  
亚。多少六朝兴废事，尽入渔樵闲话。  
怅望倚层楼，寒日无言西下。

采桑子

欧阳修

(之一)

轻舟短棹西湖好：绿水逶迤，芳草长堤，隐隐笙歌处处随。无风水面琉璃滑，不觉船移，微动涟漪，惊起沙禽掠岸飞。

(之二)

群芳过后西湖好，狼藉残红，飞

絮蒙蒙，垂柳栏杆  
尽日风。笙歌散尽  
游人去，始觉春空；  
垂下帘栊，双燕归  
来细雨中。

生查子

欧阳修

去年元夜时，  
花市灯如昼。月上  
柳梢头，人约黄昏  
后。  
今年元夜时，

月与灯依旧。不  
见去年人，泪湿春衫  
袖。

阮郎归

欧阳修

南园春半踏青  
时，风和闻马嘶。

青梅如豆柳如眉，  
日长蝴蝶飞。花

露重，草烟低，人  
家帘幕垂，秋千慵

困解罗衣，画梁双  
燕栖。

雨霖铃

柳永

寒蝉凄切，对  
长亭晚，骤雨初歇。  
都门帐饮无绪，方  
留恋处，兰舟催发。  
执手相看泪眼，竟  
无语凝噎。念去去  
千里烟波，暮霭沉

沉楚天阔。多情  
自古伤离别，更哪  
堪、冷落清秋节！  
今宵酒醒何处？杨  
柳岸，晓风残月。  
此去经年，应是良  
辰好景虚设。便纵  
有千种风情，更与  
何人说！

望海潮

柳永

东南形胜，三  
吴都会，钱塘自古  
繁华。烟柳画桥，  
风帘翠幕，参差十  
万人家。云树绕堤  
沙，怒涛卷霜雪，  
天堑无涯。市列珠  
玑，户盈罗绮，竞  
豪奢。重湖叠巘  
清佳，有三秋桂子，  
十里荷花。羌管弄  
晴，菱歌泛夜，嬉

嬉钓叟莲娃。千骑  
拥高牙，乘醉听箫  
鼓，吟赏烟霞。异  
日图将好景，归去  
凤池夸。

桂枝香

王安石

登临送目，正  
故国晚秋，天气初  
肃。千里澄江似练，  
翠峰如簇。征帆去

棹残阳里，背西风。  
酒旗斜矗。彩舟云  
淡，星河鹭起，画  
图难足。念往昔  
繁华竟逐，叹门外  
楼头，悲恨相续。  
千古凭高对此，漫  
嗟荣辱。六朝旧事  
随流水，但寒烟、  
衰草凝绿。至今商  
女，时时犹唱，《后  
庭》遗曲。

卜算子

王观

水是眼波横，  
山是眉峰聚。欲问  
行人去哪边？眉眼  
盈盈处。才始送  
春归，又送君归去。  
若到江南赶上春，  
千万和春住。

江城子

苏轼